

# Kalaallit Nunaanni Filminstituttimi siulersuisunut akissarsiaqartitsineq pillugu Namminersorlutik Oqartussat nalunaarutaat

Filmiliortarneq pillugu Inatsisartut inatsisaat nr. 65, 6. december 2024-meersumi § 13, imm. 4 naapertorlugu aalajangersarneqarpoq:

## *Akissarsiaqartitsineq*

§ 1. Kalaallit Nunaata Filminstituttiani siulersuisut suliaminnut ukiumoortumik akissarsisassapput.  
*Imm.* 2. Siulersuisuni siulittaasoq 50.000 kr.-inik akissarsiaqassaaq, taamaattoq tak. § 3, imm. 2.  
*Imm.* 3. Siulersuisunut ilaasortat sinneri akissarsiaat 25.000 kr.-iussapput, taamaattoq tak. § 2, imm. 2 aamma § 3, imm. 2.

§ 2. Siulersuisunut ilaasortaq ilaasortaajunnaarpat, soraarsitaappat imaluunniit sivisunerusumi sulingippat § 1 naapertorlugu akissarsiaqarsinnaatitaaneq atorunnaassaaq.  
*Imm.* 2. Sinniisut siulersuisunut ilaasortat siulersuisunit anineranni, soraarsitaaneranni sivisunerusumiluunniit sulinginnerannit isertut siulersuisuni ulloq suliffigiligaannit akissarsiaqartinneqassapput.

## *Atortuulersitsinermi aamma ikaarsaariarnermi aalajangersakkat*

§ 3. Nalunaarut 1. oktober 2025-mi atuutilissaaq, taamaattoq tak. imm. 2.  
*Imm.* 2. Siulersuisunut ilaasortat siulliit akissarsiaqarsinnaatitaapput piffissami atuuffimmik aallartinneranit ulloq 1. juni 2025.

*Namminersorlutik Oqartussat, ulloq 20. august 2025*

**Nivi Olsen (atsior.)**

Ilinniartitaanermut, Kultureqarnermut, Timersornermut Ilageeqarnermullu Naalakkersuisoq

/Nuka Kleemann (atsiorn.)

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut